



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-11-3-3460-12/23

Datum: 13.02.2024.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) i Zapisnika o pregledu i ocjeni ponuda od 12.02.2024.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU**

o izboru najpovoljnijeg ponuđača

**I**

Najpovoljnija ponuda za radove u predmetu „Uklanjanje monolitne stijene u Tešnju“ po cijeni bez PDV-a od 30.000,00 KM (slovima: tridesethiljada i 00/100 konvertibilnih maraka) odnosno sa PDV-om u iznosu od 35.100,00KM (slovima: tridesetpethiljadaistotinu i 00/100 konvertibilnih maraka) je ponuda ponuđača KM GRADNJA doo Tešanj.

**II**

Ponude su dostavljene u otvorenom postupku koji je objavljen na Portalu javnih nabavki dana 28.12.2023.godine pod brojem: 375-1-3-280-3-180/23, obavještenje o nabavci objavljeno u Sl.glasniku BiH broj:1/24 dana 05.01.2024.godina, kriterij za dodjelu ugovora je najniža cijena.

**III**

Obavezuju se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

**IV**

Za realizaciju Odluke zadužuju se Služba za društvene djelatnosti i investicije općine Tešanj.

**V**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**VI**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke za radova „Uklanjanje monolitne stijene u Tešnju“ pokrenut je Odlukom o pokretanju postupka broj: 02-11-3-3460-2/23 od 05.10.2023.godine, odabran je otvoreni postupak. Nabavka je objavljena na Portalu javnih nabavki dana 28.12.2023.godine pod brojem: 375-1-3-280-3-180/23, obavještenje o nabavci objavljeno u Sl.glasniku BiH broj:1/24 dana 05.01.2024.godina, kriterij za dodjelu ugovora je najniža cijena, procijenjena vrijednost javne nabavke je 42.735,00KM.

U ostavljenom roku za dostavu ponuda pristigle su 4 (četiri) ponude i to: ponuda KM GRADNJA doo Tešanj, ponuda GEO PUT doo Maglaj, ponuda INTER doo Tešanj i ponuda TRANS KOP doo Tešanj.

Komisija za javne nabavke imenovana rješenjem Općinskog načelnika broj: 02-11-3-3460-4/23 od 08.01.2024. godine izvršila je dana 30.01.2024.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su sve ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Kako je tačkom 5.1. Tenderske dokumentacije predviđeno da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude, to je ugovorni organ zakazao E-aukcija za dan 08.02.2024.godine od 13:00 sati sa vremenskim trajanjem od 15 (petnaest) minuta. Iz Izvještaja o toku i završetku E-aukcije od 09.02.2024.godine u Zapisniku sa ocjene ponuda vidljivo je rangiranje ponuđača na Konačnoj rang listi ponuđača koji su učestvovali u E-aukciji, odnosno ugovorni organ je preuzeo listu kako slijedi:

1. KM GRADNJA doo Tešanj
2. GEO PUT doo Maglaj
3. TRANS-KOP doo Tešanj
4. INTER doo Tešanj

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom načelniku Općine Tešanj (Zapisnik o pregledu i ocjeni ponuda broj: 08-11-3-3460-11/23 od 12.02.2024. godine), da se u predmetu javne nabavke radova „Uklanjanje monolitne stijene u Tešnju“ donese Odluka o izboru najpovoljnijih ponuđača i da se kao najbolje ocijenjena prihvatljiva ponuda za radove izabere ponuda ponuđač KM GRADNJA doo Tešanj kako je to navedeno u tački 1. ove odluke, te da se sa istim zaključi ugovor u skladu sa ponudom navedenog ponuđača za radove predmetne nabavke i cijenom postignutom na E-aukciji.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) kao najpovoljniji izabran je ponuđač KM GRADNJA doo Tešanj sa cijenom bez PDV-a 30.000,00 KM (slovima: tridesethiljada i 00/100 konvertibilnih maraka) odnosno sa PDV-om u iznosu od 35.100,00KM (slovima: tridesetpethiljadaistotinu i 00/100 konvertibilnih maraka) kako je to navedeno u tački I ove Odluke.

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14 i 59/22).

#### Doostavljeno:

1. Ponuđači x 4,
2. Služba za društvene djelatnosti i investicije, općine Tešanj,
3. web stranica općine, elektronski,
4. Predmet.

*Suad Huskić*



OPĆINSKI NAČELNIK

*Suad Huskić*  
mr.sci. Suad Huskić